

www.BibleForChildren.org


San Mateo 8




Xi komà jàn nàchrjein, kis'e jngoò s'eí nga chixàn x̣iṭa
ján nax̣andá Caná, ya nangui Galilea. Ṭikoáá yaá tíjna
jè nea-la Jesús. Ṭikoá kinokjoà-la Jesús ko x̣iṭa xi
kota'yàt'aà-la ya ñánda chixàn x̣iṭa.



K'e nga jyehe't'aà vino, jè nea-la Jesús kitsò: –Mì tì mé vino tjin-ne. Jè nea-la Jesús kitsò-la jña xita xi biya vino: –K'oaá s'in tikitason yije-la koni s'in tsò-nò.



Jesús kitsò-la jñà xita chi'nda xi nchibiya
vino: –Tìnchaà nandá tijí koi. Jñà xita
chinchá nandá; jngoò k'aá kisitseè. Ikjoàn
kitsò Jesús: –Tìnachrjeè chiba vino;
tanguíko-la jè xi tísís'in-la xita. K'ee
kiiko-la.



Jè x̣iṭa xi oko-la nga t̄is̄is'in-la j̄ñà x̣iṭa, kiskoòt'aà nandá xi vino komà; x̣iṭa jè, mìkiì tíjiìn-la ñánda j'ii-ne. (Tà j̄ñá tíjiìn-la x̣iṭa chí'nda xi tsachrje nandá.) Jè x̣iṭa xi oko-la, k'eé kiichja-la x̣iṭa x'in xi chixàn, kitsò-la:
–Ngats'ii x̣iṭa, jè tsjá ítjòn vino xi 'ñó ndaà; k'e nga jye 'ñó 'biì j̄ñà x̣iṭa, k'eé tsjá xi chiba ndaà. Tanga ngaji, kòbinchatjó-né xi 'ñó ndaà, skanda saá tì'biì.




Jè kjo_xkón xi kis'iìn ítjòn Jesús ján naxandá Caná
nangui xi chja-ne Galilea; k'oaá s'ín
tsakó kjoa jeya-la kọ jña
xita xi kota'yàt'aà-la
kòkjeiín-la it'aà ts'e.



Jesús kii ni'ya-la Pedro koa kijtseè
nachíya-la nga kijna xk'én; ch'in
tjnga tjín-la.



Jesús tsohót'aà-la tsja jè chjoón, nitoón
kjòndaà-ne ch'in tìjnga-la, tsasítjen-ne jè
chjoón, ikjoàn kisis'in-la Jesús.




K'e nga jye kiskaàtjì ts'oí nga jye kòjñò, j'iiko-la Jesús ngats'iì xita xk'én ko xi inima cho-la neíí tíjiìn inima-la. Ngats'iì xita naxandá, yaá kitseèjto xotjoa ni'ya.



Jesús, k̄jìn jchán x̄it̄a kisindaà-ne xi k̄jìn skaya ch'in
tjín-la t̄ikoáá tsachrjekàjiìn in̄im̄a ch'o-la neí xi tíjiìn
in̄im̄a-la x̄it̄a; Jesús mìkiì kitsjaà'nde nga jñà neí kiìchja
nga jñà in̄im̄a ch'o-la neí jyeé beèxkon yá-né Jesús.



Ngats'iì x̣iṭa, mejèn-la nga koòt'aà-la tsja yijo-la
Jesús nga tseé nga'ñó tíbitjojiìn yijo-la nga
mandaà yije-ne x̣iṭa.



Jngoò x̣itạ j'ìikọ xi mìkiì ma síhiníyá
yijo-lạ. Ñijòn x̣itạ yangui.



Nga mìkiì komà kitjò'nde-la nga
jahas'en ya xotjoa ni'ya, nga 'ñó kjìn
xita títsajna, yaá kiskíx'a_itsjá
ni'ya ya kixi-la ñánda tíjna
Jesús. Yaá kiskinìjen-ne
jè xita xi xk'én xi
kjiya-la yá.




Jesús, k'e nga kijtseè nga jñà x̣ita koi mokjeiín-la it'aà
tse, kitsò-la jè x̣ita xi
xk'én: –Ji ndí nà'èn,
jé-lè jye kichàat'aà-lè.
–Ji, k'oaá xan-lè:
Tisítjiin, chjoí
nāchan-yá-lè,
t'in-ne ni'ya-lè.



Jahas'en Jesús jè chitso; kjihjtake jñà xita xi
kota'yàt'aà-la. Tà nitoón tsatsejèn
jngoò tjoókón ko jtsí ya ijiin
ndáchikon, ko jè ndáchikon
taxki komà-né, mejèn
bíjtsa'ma jè chitso.
Tanga jè Jesús kjinafé-né.



Kiìchjạ Jesús kitsò: –¿Mé-ne tsakjoòn-nò? 'Ñó chiba mokjeiín-nò xi_it'aà ts'an. K'ẹ́é tsasítjẹn Jesús, tsohótiko tjo_xkón ko ndáchikon koạ nịtoón kisijyò-ne tjo koạ kjòndaàya-ne. Koạ jñà xịta xị kota'yàt'aà-la tà kjò_xkón-la, kitsò: –Yá xịta-ne jè skanda jè tjo ko ndáchikon síkitasòn-la.



'Nainá 'ñó tsatoó kjòtsjakeè x̣itạ isò'nde
nga kitsjaà Ki'ndí-lạ xi tajngoò ma-ne,
mé-ne ngats'iì x̣itạ xi mokjeiín-lạ
_it'aà ts'e, mìkiì cḥija; s'eé-lạ
kjoabinachon n̄itạ
kjé-ne.



Romanos 3:23

nga ngàsòn ótsji jé-né; kjiìn títsajnat'aàxìn-la
Nainá ñánda nga jeya tíjna.

Romanos 6:23

Chjí xi tjín-la kjoa ts'e jé, kjoabiyaà-né. Tanga kjotjò xi tsjá
Nainá, kjoabinachon-né nita mé nàchrjein-ne nga ya
titsajnakoá Cristo Jesús xi Na'èn-ná ma.

Hebreos 9:27

K'oaá s'ín tjín nga ngats'iì xita, ta jngoò k'a biyaà, ko iskan
kjoí jè nàchrjein nga sindaàjiìn-la.



Efesios 2:8,9

Tà kjondaà-la Nainá-né nga itjokajñoò kjo'in nga kòkjeiín-nò it'aà ts'e Cristo. Mitsà kjondaà tsajòn nchrobá-ne kjoa koi; ta kitsjaà kjotjò-nò Nainá. Mitsà koi kjoa-la nga xá ki'nè, mé-nè nga nijngoò xita ndaà sùikíjna-ne yijo-la.

Romanos 10:9,10

Tsà ndsoboí kénajmí-ne nga Jesucristo, jè xi Na'èn-ná, koa tsà ko inima-lè kòkjeiín-lè nga Nainá kisìkjaáya-la it'aà ts'e kjoabiyaà, kijnandeií-né xi kjoa ts'e jé-lè. Nga kóo inima-ná mokjeiín-ná mé-ne nga kixi kitsajnaá nguixkon Nainá tikoá kóo ndsobaá bènojmiá nga Jesucristo, jè xi Na'èn-ná, mé-ne nga koma kitsajnandeií-ná xi kjoa ts'e jé-ná.



San Juan 3:16,17

'Nainá 'ñó tsatoó kjòtsjakeè x̣itạ_isò'nde nga kitsjaà Ki'ndí-la xi tajngoò ma-ne, mé-ne ngats'ìi x̣itạ xi mokjeiín-la_it'aà ts'e, mìkiì chija; s'eé-la kjoabinachon n̄itạ kjé-ne. Nainá mìtsà koi xá kisikasén-ne Ki'ndí-la nga kjo'in koiìnè-la x̣itạ_isò'nde; koií xá kisikasén-ne nga kochrjekàjiìn kjo'in x̣itạ kjoa ts'e jé-la.

1 Juan 5:11-13

Jè 'én xi kitsjaà Nainá, jè-né nga jè Nainá tsjá-ná kjoabinachon xi mì fehet'aà n̄itạ kjé-ne. Ko jè kjoabinachon jè, yaá sakó-ná_it'aà ts'e Ki'ndí-la. Jè x̣itạ xi Ki'ndí-la Nainá tíjnajiìn in̄ima-la, tjín-la kjoabinachon xi mìkiì fehet'aà n̄itạ kjé-ne; tanga jè x̣itạ xi mìtsà Ki'ndí-la Nainá tíjnajiìn in̄ima-la, tsjìn-la kjoabinachon. Jñò xi mokjeiín-nò_it'aà ts'e Ki'ndí-la Nainá, koií xá tikjiìn-nò Xojon jè mé-ne nga ndaà kàtasijiìn-nò nga jyeé tjín-nò kjoabinachon xi mìkiì fehet'aà n̄itạ kjé-ne.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter, Sarah S.

Mazatec, San Jerónimo Tecóatl NT (maa) © 2012, Wycliffe
Bible Translators, Inc. All rights reserved.

<https://live.bible.is/bible/MAASJV/MAT/1>

©2025 Bible for Children, Inc.

www.M1914.org

www.bibleforchildren.org

